

# **Cumün da Zernez**



**Uorden da zonas da quietezza  
per la sulvaschina**

Relaschà da la radunanza cumünala dals 26 gün 2009 in basa a l'artichel 27 da la ledscha davart la chatscha e la protecziun da sulvaschina i'l chantun Grischun (ledscha da chatscha chantunala)

Scopo	<b><u>Art.1</u></b> Las zonas da quietezza per la sulvaschina servan a la protecziun da fauna e flora. Impustüt nu stuvess gnir disturbada la sulvaschina, eir per evitar dons indirects vi da la vegetaziun.
Zonas da quietezza per la sulvaschina	<b><u>Art.2</u></b> Las zonas da quietezza per la sulvaschina cumpigliant ils lös disegnats illa charta 1:25'000 sül territori dal Cumün da Zernez. Ellas vegnan eir publichadas sün la pagina d'internet <a href="http://www.wildruhe.gr.ch">www.wildruhe.gr.ch</a> .
Limitaziun d'access	<b><u>Art.3</u></b> Dürant il temp dals 1. schner fin e culs 30 avrigl nu's das-cha entrar illas zonas da quietezza.
Exepziuns	<b><u>Art.4</u></b> 1. L'access per l'utilisaziun e cultivaziun dal god, pella chüra da la sulvaschina sco eir per masüras urgiantas e da salvamaint resta garanti.  2. La suprastanza cumünala po far ulteriuras excepziuns in singuls cas, scha l'intent dal uorden resta tuottüna garanti.
Controlla	<b><u>Art.5</u></b> Persunas chi's rechattan tanter ils 1. schner e'l 30 avrigl illas zonas da quietezza, sun obliadas da s'identifichar e da dar cuntschaint lur persunalias in cas da controllas tras l'administraziun forestala, ils rapresentants da cumün o il guardgiasulvaschina.
Surpassamaints	<b><u>Art.6</u></b> Surpassamaints da quist uorden vegnan chastiats da la suprastanza cumünala cun üna multa minimala da fr. 200.-, e maximala da fr.1000.-. In cas da repetiziun fin max. fr. 5000.-. Cunter decisiuns da chastiis in basa a quist uorden po gnir recuorrü infra 30 dis pro'l güdisch administrativ chantunal.
Entrada in vigur	<b><u>Art.7</u></b> Quist uorden aintra in vigur davo l'approvaziun da la radunanza cumünala dals 26 gün 2009.

### Cumün da Zernez


Il president:

  
Domenic Toutsch

Il chanzlist:

  
Corsin Scandella





ZERNEZ / BRAIL

## ZONAS DA QUIETEZZA PER LA SULVASCHINA

26 gün 2009



Cumün da Zernez  
In nom da la radunanza cumünala  
Il chanzlist

Domenic Tutsch

Corsin Scandella

Zemez, 26 gün 2009